

X ABRAHAM OLANO - 11 TONTOR ZIKLOTURISTA MARTXA

1. Definizioa.

ABRAHAM OLANO - 11 TONTOR zikloturista martxa, lehia kutsurik gabeko proba da, **eta 2025ko ekainaren 15an izango da, goizeko 8:30etan abiatuta.** ORIAKO TXIRRINDULARI ESKOLA da probaren antolatzailea.

Proba Tolosan eta Gipuzkoako errepideetan izango da, eta irteera eta helmuga USABALGO KIROLDEGIAN izango dira. Segurtasun eta kontrol arrazoiak direla eta, guztiz debekatuta egongo da ordua baino lehenago irtetea.

Errepidea zabalik egongo da trafikora, eta beraz, partaideek indarrean diren zirkulazioko arauak errespetatu beharko dituzte.

2. Modalitateak eta distantziak.

Martxak parte hartzeko bi aukera eskaintzen ditu: ibilbide luzea, 133 km-koa, eta ibilbide motza, 90 km-koa. Ibilbidearen xehetasun guztiak, mapa eta profila honako webgunean daude argitaratuta: www.oriakotxe.com

3. Parte-hartzea eta aseguruak.

Edozein nazionalitatetako kirolariek dute aukera martxan parte hartzeko. 18 urtez azpikoek ezingo dute parte hartu ez ibilbide motzean ez luzean. Derrigorrezkoa da kasko homologatua buruan eramatea ibilbide osoan.

Partaide bakoitzak bere ardurapean hartuko du parte martxan, eta behar adinako prestakuntza fisikoa eta trebetasun teknikoa izango du probari aurre egiteko.

Antolakuntzak partaide guztiei aholkatzen die probaren aurretik mediku-azterketa bat egiteko, horrelako txirrindularitza-proba bat egitea eragotz dezakeen edozein arazo hautemateko eta baztertzeko.

Antolakuntzak Erantzukizun Zibileko aseguru-poliza bat izango du, indarrean den legediaren arabera. Federatutako partaideek dagokion Federazioaren aseguruia izango dute, eta, beraz, aseguru horren estaldura. Federatu gabekoentzat, berriz, eguneko aseguruia kontratatuko da. Ondorioz, ekitaldi honetan parte hartzeak berekin dakar berariazko onespina ematea norbera identifikatzeko datuak antolatzaileek erabakitako erakunde aseguratzailerari uzteko. Horren helburua da proban zehar inolako istripurik izanez gero, behar bezalako asistentzia eskaintzea partaide guztiei.

4. Izen-emateak.

Izen-emateak KIROLPROBAK plataformaren bidez egingo dira: www.kirolprobak.com.

Izen-emateen prezioa, 30€-koa izango da federatuentzat, eta 45€-koa, federaturik ez daudenentzat, ekainaren 1a bitartean. Ekainaren 1etik aurrera, ekainak 14etik, federatuen prezioa 35€-koa izango da eta ez federatuentzat berriz, 50€-koa. Martxa egun berean ekainak 15an federatuen prezioa 40€-koa izango da ta ez federatuentzat 55€-koa.

600 partehartzailetako mugara iritsiz gero, izan ematea itxi egingo da.

Izen-emateak pertsonalak eta transferiezinak dira. Era berean, izena emateak berekin dakar araudi honen artikuluko guztiak eta erosketa-baldintzak onartzea. Izen-emateak BEHIN BETIKOAK dira, eta, horrenbestez, parte hartu ezin dutenei ez zaie izen-ematearen dirua itzuliko.

Prezio guztiak KIROLPROBAK plataforman, izena emateko orrian, ageri dira. Beraz, izen-emateak online ordainketa-sistemaren bidez gauzatu ahal izango dira, kreditu-txartelaren bidez.

5. Dortsalak.

Partaideen identifikaziorako material guztia larunbatean, **ekainak 14an, jasoko da, 18:00etatik 20:00etara, probaren irteera eta helmuga izango den inguruetan, Usabalgo kiroldegian. Probaren egunean ere aukera izango da identifikaziorako materiala jasotzeko, goizeko 7:00 eta 8:00 ak artean.**

Antolatzaileen gomendioa da identifikaziorako material hori ostiralean jasotzea, probaren egunean pilaketarik eta itxaronaldirik gerta ez dadin.

Dortsalak jasotzerakoan, partaide guztiek beren NANA aurkeztu beharko dute, eta federazioaren lizentzia, federatuen kasuan.

6. Segurtasuna eta mediku-asistentzia.

Segurtasun-arloko kidego eta zerbitzuen ardura izango da bide publikoan segurtasuna bermatzea eta trafikoa kontrolatzea eta arautzea. Nolanahi ere, gogoan izan behar da ibilbidea trafikoari zabalik egongo dela eta, beti ere, zirkulazio-arauak betez ibili behar dela errepidean.

ABRAHAM OLANO MARTXA EZ DA LASTERKETA EDO LEHIAKETA, martxa zikloturista baizik. Beraz, ezaugarri eta izaera hori oso kontuan izan behar da herriak gurutzatzerakoan, eskuinetik zirkulatzerakoan, biribilgune eta bidegurutzeetatik igarotzerakoan, mendateak jaisterakoan, etab.

Probak mediku-zerbitzua izango du eta osasun-arloko langile guztiek eskumena izango dute, arrazoi medikuak tarteko direnean, edozein partaide erretiratzeko.

Antolatzaileen aholkua da proban zehar kargatutako telefono mugikor bat aldean eramatea, baita beso-erdiko zorroak ere, gutxienez, jaitsieretan hotzetik babesteko.

Probako mediku- eta asistentzia-zerbitzuak ez daude behartuta martxan izena emanda ez dauden txirrindulariak artatzera.

7. Laguntza mekanikoa eta partaideak jasotzeko puntuak.

Antolakuntzak hainbat ibilgailu izango ditu ibilbide osoan laguntza mekanikoa emateko. Era berean, matxurak direla, nekea dela edo kontrolez kanpo geratzea dela, jarraitu ezinik geratu diren partaideak jasoko dituzte ibilgailu horiek.

Partaideek beren gain hartuko dituzte trafikoari zabalik dagoen proba batean parte hartzeak berez dituen arriskuak, eta parte-hartzearen ondorioz gerta daitekeen edozein gorabehera edo istripuren erantzukizunetik salbuetsiko dute probaren antolakuntza.

Antolakuntza ez da parte-hartzaileek izan ditzaketen edo sor ditzaketen inolako istripuren erantzule izango. Txirrindularien lizentzia-aseguruak estali beharko ditu istripu horiek. Era berean, probak irauten duen bitartean parte-hartzaileek egin ditzaketen gastu edo zorren erantzule ere ez da izango, ez eta parte-hartzaileen bizikleta edo bestelako ekipamenduek jasan ditzaketen galera, matxura edo kalteen

erantzule ere. Edozein gorabehera dela medio objektu pertsonalek jasan ditzaketen galera edo kalteen erantzukizunetik kanpo utziko dute partaideek antolakuntza. Probaren jarraipena egingo duten ibilgailu baimenduek ageriko identifikazioa eramango dute uneoro. Laguntzarako ibilgailu bat ondoan izateak partaidea probatik kanporatzea ekarriko du.

Matxurarik izanez gero, ordezeko piezak partaideen kontura izango dira. Errepidean bertan egin daitezkeen konponketak baino ez dira kontuan hartuko, zulatuak izan ezik.

Asistentzia-zerbitzuek ez diete laguntzarik emango proban behar bezala izena emanda ez dauden txirrindulariei.

8. Irudi-eskubideak.

Araudi hau onartzen duelarik, partaideak baimena ematen die "Abraham Olano Martxa - 11 Tontor"-ren antolatzaileei bere parte-hartzearen irudi guztiak edo zati batzuk filmatzeko, eta baimena ematen die, orobat, martxa sustatu eta zabaltze aldera bere irudia erabili ahal izateko, formatu guztietan (irratia, idatzizko prentsa, bideoa, argazkiak, DVDak, Internet, kartelak, komunikabideak, etab.). Azkenik, irudi horiek merkataritza eta publizitate aldetik ustiatzeko eskubideak ere utziko dizkie, horren truke inolako diru-konpentsaziorik jasotzeko eskubiderik izan gabe.

9. Anoa-guneak eta denbora mugak.

Proban hiru anoa-gune edo hornidura-gune izango dira jatekoarekin eta edatekoarekin, ibilbidean eta helmugan.

Anoa-guneetako kideek martxaren identifikazio-materiala daramaten txirrindulariei baino ez diete utziko produktuak hartzen.

Kilometro-puntua:

60.- AIZARNA.

90.- TOLOSA. Helmuga ibilbide txikian.

133.- TOLOSA. Helmuga

Bestetik, parte hartzaile guztien segurtasuna bermatzeko eta antolakuntza errazteko, denbora muga batzuk ezarriko dira ondorengo gunetan:

Kilometro-puntua / denbora muga (ordua)

60. AIZARNA 11:15

90. TOLOSA 13:00

(Denbora muga hauek gutxieneko batzbesteko 20 km/h abiaduran kalkulatuta daude)

10. Dutzak eta aldagelak.

Martxan parte hartzen dutenek Usabal Udal Kiroldegiko dutzak eta aldagelak erabili ahal izango dituzte.

Bizikletak gordetzeko zaindutako eremu bat egongo da helmugan. Partaidea bakoitzaren erantzukizuna da bere jabegoko gauzak eta kirol-materiala zaintzea eta

gordetzea. Antolakuntzak ez du inolako erantzukizunik izango gerta daitekeen edozein haustura, lapurreta edo gorabeheraren aurrean.

11. Gizalegez eta errespetuz jokatzeta.

Partaideek onartu egingo dituzte araudi honetako artikuluko guztiak eta konpromisoa hartuko dute trafikoko arauen arabera gizalegez parte hartzeko eta ibilbide osoa egiteko helmugako lerroa gurutzatu aurretik.

Era berean, adierazten dute errespetuz jokatzeko dutela antolakuntzan esku hartzen duten kideekin eta gainerako partaideekin.

Konpromisoa hartuko dute, orobat, norberaren eta besteen kirol-materiala errespetuz tratatzeko.

Arauzko kaskoa eramateko konpromisoa ere hartuko dute, derrigorrezkoa baita ibilbide osoan.

Probak ingurumenean ahalik eta eragin txikiena izan dezan, partaideek anoa-guneetan jarritako edukiontzietara botako dituzte ontziak, bilgarriak eta janari-hondarrak, eta ibilbidean zehar ez dute ezer botako errepidera.